

كيف تحاور ملحداً

فاضل سليمان

بسم الله الرحمن الرحيم الحمد لله والصلوة والسلام على رسول الله اهلا بكم في اخر ندوة من الندوات كيف تحاور مرتدًا عن الاسلام النهاردة احنا هنا خد كيف تحاور ملحدا - 00:00:00

ازاي الواحد يتكلم مع الملحدين اه انواع الناس غير طبعا بشمهندس ومش مهندس انتم عارفينها في عندنا من ناحية الایمان بالله يعني عندنا متدين مؤمن بوجود الله زي المسلم زي المسيحي زي اليهودي - 00:00:17
وعندنا متدين لكنه ملحد ازاي بوذى انا كنت في سريلانكا قعدت حوالي عشر تيام مع شعب متدين جدا يمارس طقوسه بصفة يومية آآ الطقوس بتاعتته انعكست على اخلاقه بشكل خطير - 00:00:44

لكنهم ملحدين الديانة نفسها لا يوجد فيها الله. بوزا مش الله وده رب يعبد اه لكنه مش الله وهناك ايضا المتدين الملحد. هناك كمان عندنا الملحد اللاديني واحد غير مؤمن بوجود الله - 00:01:03

وغير مؤمن بالاديان عندنا مؤمن لكن لا ديني يعني ايه بعضكم قال لي انا لي واحد قريبي او لي واحد صاحبي بيقول ايوة انا مؤمن ان فيه ربنا. لكن مش مؤمن بالاديان - 00:01:22

وشایف ان الاديان دي جه من وراها شرور وحروب والافضل ما يكونش انا اكلم ربنا بطريقتي. فهو مؤمن بوجود الله لكنه ما عندهش دين لا ديني وفي من يسموا او الا ادريين - 00:01:40

هو مش عارف مش متأكد يقول لك ما عنديش مشكلة يا سيدى يكون في ايده ده ممكن يكون في الهو وممكن لا بيقبل الناحيتين بل كتير منهم لما بنتكلم معهم خاصة الاوروبين - 00:01:59

بتلاقيه هو معتبرض على مفهوم الالوهية اللي اتقدم له في المسيحية ان الله يتجسد ويتأنس ويتألم ويموت ويقوم مرة اخرى من اجل الخلاص. هو معتبرض على ده. فلما بنتكلم معهم لان هو مش معتبرض - 00:02:17

على وجود خالق لكن هو معتبرض على هذا المفهوم اللي اتقدم له اسباب الالحاد عديدة اكتر سبب من اسباب الالحاد هو الداروينية سلاش التطور دارو نزلاش ايفيلوشن. هل الضرونية هي التطور - 00:02:34

هل دارو نجم تساوي ايفولوشن الخلط ده عندنا سبب ان كتير من المسلمين تخيلوا ان هم ما لهمش مجال الا للحاد. وده هنيجي فيه. هو دي اول حاجة هتكلم فيها النهاردة ان شاء الله - 00:02:55

بعد كده في نوع اسمه الدهرية الدهريين اللي هو شایف ان ما فيش اه بعث مستبعد انه يكون في حياة اخرا. يعني بعد ما نقى تراب وبناتع نرجع تاني نقى اه نبعث مرة اخرا. الامر بالنسبة له - 00:03:09

مش مش مقبول وفي منهم نوع الدهريين دول مؤمنين. يعني ممكن يكون مؤمن بوجود الله بل وبيمارس دينه لكن هي حنة الایمان بالقيامة فقط اللي مش قادر يتقبلها اه الهندوس اه يمكن ربما ربما - 00:03:26

وعندك البوذيين مسلا يؤمنوا يعني الايه؟ اه الحلول الروح فيها اه هناك المادية من اسباب الالحاد المادية اللي هو مش قادر يصدق بوجود اي شيء غير ملموس. هو مش شایفه - 00:03:45

يعني ما لا يمكن رصده لا يمكن الایمان به حاجة مش ممكن ارصدها يبقى مش ممكن اؤمن بها ماشي؟ دول اللي هم الماديين هناك ايضا من الحد نتيجة معضلة الخير والشر - 00:04:06

يقول لك ازاي يعني يبقى في آآآ الله وفيه كل الشر ده في العالم وفيه الحروب دي كلها وفيه سرطان الاطفال وفيه

كوارث زلزال تسونامي دكتوراه آآ ابو النجا اللي هو آآ مدير مستشفى آآ سبعة وخمسين سبعة وخمسين دي بتاعة السرطان للاطفال
طلبني مرة - 00:04:21

طلب ان انا اجي اقابل دكتور كندي موجود عندهم بيتطوع كل سنة وبيجي وبيشتغل لعلاج الاطفال لكن هو مشكلته ان هو مش قادر
يؤمن بوجود براحتكم ايه اتعشينا مع بعض واتكلمنا كان السبب الاساسي هو كم المعاناة اللي بي Shawها في الاطفال المصابين
بالسرطان؟ يقول لي ازاي يكون في الله وفيه؟ كل - 00:04:47

هذا الشر في العالم فدي برضو من المعضلات الكبيرة جدا اللي بتسبب الالحاد عندنا مسألة هروب من التكاليف واحد مش عايز بقى
تكاليف ولا حلال وحرام وبتاع انا يعني آآ العقل يحسن فهو حسن - 00:05:07

العقل يشوفه حسن بقى هو حال فالهروب من التكاليف مسألة ايضا موجودة عند كتير من الناس. هو مش عايز حد يدي له ايه؟
الستة ايه بالإضافة لمسألة ان الدين افيون الشعوب - 00:05:26

كلمة كارل ماركس الشهيرة ان الدين افيون الشعوب في الواقع هو ده حصل فعلا ليس معنى ذلك ان الدين غلط ولكن هو بالفعل
استخدم لافينة الشعوب ولتبني الشعوب. الدين استخدم كبنج عشان الشعوب لا تثور - 00:05:43

على الملوك وعلى الحكام الزلامة الحاجات الخطيرة جدا اللي لابد ان احنا نخلي بالنها منها هي مسألة اسئلة المراهقين كتير جدا من
عتاولة عتاولة الملحدين وهم بيكتبوا السيرة الذاتية بتاعتتهم كتبوا ان الالحاد بدأ عندهم من سن مبكرة جدا وهي سن اربعين سنة -
00:06:04

امسال اه جون بول سارت الوجودي المعروف اللي هو امسال انتوني فلو. وانتي فلو من الشخصيات الخطيرة اللي هنعيش معها
النهاردة عيشة طويلة جدا. يعني النهاردة احنا هنتكلم عن انتوني فلو كتير جدا - 00:06:28

وعن كتاب انتوني فلو لكن الاثنين قالوا ان المسألة كانت بتبدأ معهم في سن مبكرة جدا اربعين سنة واللي منكم عنده اطفال او
اخوات في السن ده عارف كوييس قوي نوعية الاسئلة اللي بتيجي - 00:06:46
الي فظيعة فظيعة عن وجود ربنا انا ازاي اتعامل مع المراهق؟ اللي بيتدى يسأل اسئلة زي كده اول حاجة لازم افهم ان انا لي منافسين
مش لازم اكون اقل منهم - 00:06:59

عند هذا المراهق مين المنافس الاول لي؟ ها التلفزيون صح بس فيه اهم من ده كمان للمراهق المدرس الاجنبي اللي بيدرس له واحد
صاحب انا جاي لك انا وابني. ابنه عنده تلتاشر اربعين سنة - 00:07:14

بيدرس في مدرسة عنده مدرس الماني المدرس الالماني دوا آآ بيدرس له الساينس والولد بيحب الساينس قوي بالتالي الولد بدأ
يتعلق بالمدرس يا صحبان عرين الفتحات بيسأل قالوا هو حضرتك مسلم ولا مسيحي - 00:07:37

قال له انا الواد اتصدم ايه ده هو في بديل اخر الاسلام والمسيحية اسمه اللي هو بيحبه ينفع اكون مسلم وباؤمن فيه ايه حكاية ايه
حكاية فالراجل طبعا خلي بالك احنا عايزين برضو نفهم المدرسين دول - 00:07:53
لازم انا احط نفسي مكان هذا المدرس انا لا الومه وبيحاول يزرع الشك في قلب الطفل ان هو شايف اللي قدم له من
الاسلام شيء بشع جدا - 00:08:13

فصعبان عليه الولد الصغير الجميل ده انه يطلع مستقبله اسود هيطلع مسلم هيعمل ايه؟ فيزرع بذور الشك عن طريق كلام زي كده
ممكنا يكون ما حدش يقدر يمسكه عليه في المدرسة. فخلي بالك انت لك منافس وهو المدرس اللي بيtalk - 00:08:30
علمية ما ينفعش لها ابنك او اخوك الصغير يناقشك في امر زي دوا تاخده انت بعصبية او باستهتار اذا بتاخده بطريقة علمية بطريقة
جميلة بطريقة فيها متعة بالنسبة للطفل نفسه - 00:08:47

خلي بالك بلاش نربط من الصغر في التربية الكلام عن الله سبحانه وتعالى بالنار والخوف والنقرة في السن الصغير ده الكلام ده مش
مفهوم. من الصغر اربط دايما الصلاة وربنا بالمتعة وباللعبة - 00:09:02

اخد دى ده نوع من انواع التربية ان انا اخذ ولادي ونروح اعمل في حنة ونشوي ونعمل ونلعب وبعددين بنعمل بوز ونصلي وبعد كده

ارجع تاني بنلعب بعد كده بوز بنصلني. فنربط نخلي ان الصلاة شيء بيتدخل حياتنا العادية. ده نوع من انواع التربية المهم جدا عند الطفولة - 00:09:24

لازم الصلاة ما نربطهاش بالمشقة طفل صغير مش كل شوية خشن اتوضأ وصل الوضوء صعب عليه الولد اصلاً مرفوع عنده القلب لو ما صلاش اصلاً رينا مش هيتعاقبه. اهم حاجة انا دلوقتي في فترة تعوييد على الصلاة - 00:09:48

ما تشدش على الولد. الدنيا برد بيتوتضى وبيغرق صدره ويبيعا يبقى ازا في مرحلة الصغر قبل البلوغ من الصغر. الصلاة ده لازم حاجة أساسية الصلاة من غير ما تكون مصحوبة باوامر من غير ما تكون مصحوبة بشيء ثقيل على القلب - 00:10:03
عشان بس احنا نأكل هو ينفع يصلي من غير وضوء! يا سيدى هو اصلاً ما فيش عليه صلاة دي مرحلة تدريب. دي مرحلة تدريبية. زي بالزبط بنعمل حاجة اسمها تقسيمة. تقسيمة يعني ايه احنا في التمرين؟ بنقسم الفرقة بتاعتتنا. فرقتين وبنلعب مع بعض عشان نتمرن. هو - 00:10:22

ماتش حقيقي. ما هواش في الدوري. فدي الصلاة في الصغر دي تقسيمة. بندرب بها الطفل بتاعنا لغاية البلوغ هو مش مش مسئول طبعاً قبل البلوغ بسنة او بستين ابتدئي ازود شوية حته ايه اعوده على الوضوء - 00:10:36
لكن برضه ما اجيش في يوم وليلة اقول له خلي بالك بقى هتتوضاً خمس مرات في اليوم لأ ما برضو المسألة ايه يعني فضة المهم احنا بنقول احنا عندنا منافسين الاول المدرس الاجنبي - 00:10:54

او للأسف يعني النهاردة بقى فيه مدرسين مش اجانب لكن برضه بيحاولوا يزرعوا في قلوب الاطفال شيء مش سليم من ناحية آآ اليهان بالله. التليفزيون الفيديوهات بتاعة اليوتيوب مقالات الملحدين اللي فينا عندهم اطفال في مدارس أجنبية بتلاقي الطفل في سن اتناسن تلتاشر سنة بيخشن وبيقرأ مقالات - 00:11:06

اجنبية بيبقى الويب سايت الطبيعي بتاعه هو مسلسل آآ بي بي سي دوت كوم مش مصراوي وال حاجات دي عشان انتم عارفين في السن ده نخلي بالنا ان فيه ناس - 00:11:27

آآ قوي بيتكلموا مع الاطفال. لازم انا اكون على نفس المستوى لما هو بييجي يقول لي طيب ايه الدليل ان ربنا موجود اقعد اقعد اسمع قل له تعال نشووف تعال نبحث مع بعض - 00:11:39

نفكري في اجابة مع بعض. يعني مش مسألة خصمين بيتكلموا مع بعض مش مسألة لا لا مدرسك غلط مليون في المية. اللي قال لك كده ده حمار. اللي قال لك كده بيحاول يعمل فيك كذا. هو مش هيفهم منك الكلام دوت. وهيشوفك في شكل متعصب جداً - 00:11:55

هنقول له والله اتصور ده سؤال حلو اوي ما تيجي نفكري فيه بص ونفكري مع بعض. لكننا بنبحث مع بعض في فرق بين الخصمين اللي بيتكلموا مع بعض. كل واحد بيحاول يثبت ان الثاني غلط - 00:12:10

يبقى هو بيبقى وبين ان انا والله تصدق فكرة طب ما تيجي نفكري صح ولا غلط اللي انت بتقوله دوت. تمام؟ بيبقى بظهر بمظهر المستعد اني اؤمن بالرأي اللي هو جاي لي به من المدرسة. لو ثبت انه صحيح - 00:12:24

هي دي موضوعية الاسلام وقلنا قبل كده ربنا سبحانه وتعالى في سورة الكهف الشباب اللي ناموا في الكهف اهل الكهف قالوا ايه هؤلاء قومنا اخذوا من دونه الهة ايه المشكلة؟ لولا يأتون عليهم بسلطان بين لو كان عندهم دليل لو فيه دليل على ان فيه الله غير ربنا كنا عبدناه - 00:12:38

واذا بنص القرآن الكريم. بيقول للرسول عليه الصلاة والسلام يقول للكفار قل لو كان لله ولد فانا اول العبادين. مش مشاكل. احنا بنبحث عن الدليل فانا اوري طفلي اوري الولد اللي انا المراهق اللي انا بتكلم معه ان انا ايضاً ابحث عن الدليل. واذا رأيت الدليل - 00:13:03

ما فيش عندي مشكلة ان انا اغير فكري الى فكر عليه دليل. عشان اللي اعمل للولد في الحنة دي. ما يفتكرش ان انا متعصب وبدافع عن رأيي حتى لو كان غلط - 00:13:24

طب ما عرفتش اقنه او انا مش جاهز لاقناعه او جل النقاش خالص نقول له ايه ؟ طب اديني يومين ثلاثة كده افكر في الموضوع ده
وارجع لك ما فيش مشاكل ابداً. لكن ما اسيبيش الباب مفهول على ان انا - [00:13:34](#)

مش عارف وخلاص وما تجاهلش الامر وافتكرت ان طفلك خالص هيئتي وانا لأ ما تكسلش كمل بحث قراءة سؤال لغاية ما توصل
لنتيجة جيدة وارجع ايه كلم بها ابنك وممكن برضو اذكره بمواضف ودي بتحصل دي طريقة جميلة جدا مع الاطفال. لما يكون هو مصر
على شيء ووقفنا في النقاش انا مش عارف اقنه يقول له بص خالص - [00:13:53](#)

انت حر لكن عايز اقول لك حاجة خليك فاكر ان كان في مواقف قبل كده وفكروا بموقف معين مسلا كنت انت فاكر نفسك فيه صح
وكتت فاكرني انا غلط وبعد مدة اكتشفت ان انا اللي كنت صح. واني كان احسن لك تعمل اللي انا بقوله. فاكر الحاجة الفلانية - [00:14:21](#)

ودايما حاول وانت بتربى ابنك تثبت عليه موقف او اتنين او ثلاثة زي كده. هتسخدمهم بعددين في التربية يكون هو عايز يروح مسلا
النادي مسلا ماشي ؟ وولد صغير مسلا ساعة مسلا اتناشر بالليل عشان اصحابه هناك. يا ابني ما فيش حد هناك والنادي اصلا قافل. لأ
خد - [00:14:39](#)

شفت هو النادي قافل ولا لأ ؟ شفت بقى طلعت ان انا صح وانت غلط دي ممكن افكره به بعددين في موقف زي كده يقول له بص فاكر
زمان لما انت كنت عايز كزا - [00:14:56](#)

وكتت مصر وفاكر نفسك ان انت صح مليون في المية وان بابا هو اللي غلط. فاكر لما طلعت انا صح بيقى ايه بخليله مش على طول
بستخدمه معه عشان ما اهزش ثقته في نفسه. يعني اقول له ده عطوه غلط. ولكن انا ممكن في موقف خطير زي دوت يخص العقيدة
- [00:15:07](#)

استخدم معه ده اللي هو ايه ؟ او عى تفتكر نفسك دايما اللي في مخك هو اللي صح. ممكن جدا يكون اللي في مخك صح. وممكن
يكون غلط برضه. فيبقى الباب مفتوح لسه ان احنا نبحث ونكمel - [00:15:25](#)

ماشي عادة عشان تبقو عارفين الاسئلة بتاعة المراهقين اللي في الفترة دي بتستمر سنتين بالكتير قوي ثلاثة بالكتير قوي. ازا تم
التعامل معها بحكمة بينقلب خلال سنتين ثلاثة الى العكس تماما تماما - [00:15:35](#)

تماماً فما تقلقش قوي على ابنك او بنتك اللي بيبتدي يسألك اسئلة فيها الحاد وفيها ما تخافش بيقى شيء طبيعي جداً. اهم حاجة
التعامل بحكمة مع الفترة دي ادي بقى عمنا انتوني فلو - [00:15:53](#)

عمل كتاب من اروع ما يمكن اهو الكتاب ده اسمه لو تلاحزوا الكتاب مكتوب مشطوظة بالقلم مكتوب فيها ليه؟ لأن الرجل ده قعد
خمسين سنة بيضل الناس ويقنعهم ان ده رزق نو جاد ما فيش الله - [00:16:09](#)

اعتنى الملحدين في العالم ادى الملحدين كلهم مقلب سنة الفين واربعة واعلن في احدى محاضراته ازن في جامعة اكسفورد ان
هو اصبح مستعد لقبول فكرة وجود خالق. وجود الله - [00:16:38](#)

وكتب هزا الكتاب الرائع له فيديوهات موجودة على الانترنت عايزين نتكلم بقى عن كزا حاجة الملحدين بيتكلموا به. انت لما تسأل
ملحد امال الكون بدأ ازاي الصدفة صدفة في احد - [00:17:02](#)

الكار فيلسوف انجليزي اسمه جون فوستر في جامعة آآ او كسفورد كتب كتاب اسمه او الله خالق القوانين قال ايه قال اذا اقررنا
بوجود قوانين الطبيعة فان هذا الانتظام الانتظام بناء القوانين دي زي قانون النسبية قانون الجاذبية القوانين دي - [00:17:24](#)

يمكن تفسيرها القوانين دي ببساطة وعلى اكمل وجه بوجود الله حكيم قادر. اصل يعني فيه قانون بيقى في حد وضع القانون في
تشريع بيقى في مشروع في بيقى في ييجي الناس المقتنيين - [00:18:02](#)

او الناس اللي مخها او ي علم يقول لك ايه ما تقعدش تكلمني الكلام الفلسفه. هات لي علماء. هات لي علماء الفيزياء. علماء
البيولوجيا ان العلماء بتوع العلوم الطبيعية يقولوا لي هزا الكلام. لكن تقعد تجيب لي في كلام فلاسفه - [00:18:25](#)

بول ديفس ده دكتور في جامعة يو سي ال يونفرتي كولاج بلندن تعتبر يعني من افضل الجامعات في انجلترا ويمكن نمرة اربعة في

العالم في الفيزيكس وهو في نفس الوقت مدير سنتر اوف آآ يعني مدير مركز - 00:18:44

مركز تحويل العلوم الفيزيائية البيولوجي بتاعة السرطان بيقول ايه الرجل ده اخد جايزه اكتر اكتر من جايزه نوبل على فكرة. الجايزه في امريكا ازن اسمها تمبلدون آآ قيمتها واحد وستة من عشرة آآ مليون دولار. بيقول - 00:19:09

لن يتتجاوز العلم حدا معينا الا اذا اقر بالمفاهيم الدينية كان بروسيد اون لي ثيولوجيكالد كلام خطير العلم هيقفت عند حد معين ولن يتقدم الا اذا العلماء امنوا وجود تفسير الهي آآ المفاهيم. المفاهيم الدينية - 00:19:30

قال كمان في نفس الخطبة بتاعتته من الحمق الشديد ما يقوله الماديون من ان قوانين الطبيعة من اشائنا نحن او انها غير موجودة حقيقة في الطبيعة لا اعتقاد ان احدا من الفيزيائيين يعتقد ان قوانين نيوتن مثلا - 00:20:01

من اشاء البشر لا شك ان قوانين الطبيعة لها وجود حقيقي ويقف دور العلماء على اكتشافها وليس اختراعها يعني ايه؟ يعني ما فيش انسان عاقل ابدا يقول ان ما فيش قوانين في الفيزيكس. ده احنا اللي اخترعننا القوانين دي بدماغنا. ما فيش قانون لجازية ولا حاجة - 00:20:24

ما فيش قانون نسبيا ده احنا اخترعننا شوية قوانين لا القوانين موجودة. دور العالم مش ان هو يخترعها. دور العالم انه يكتشف وجودها ويصبح وجودها في في معادلة ويقدمها للناس ويشرحها في الفصول - 00:20:46

يخترع قوانين ما حده بيخترع قوانين. القوانين موجودة. لذلك هو بيسأل وبيقول كيف تشكلت قوانين الطبيعة؟ قل لي القوانين دي اتححطت ازاي لماذا هذه القوانين بالذات وليس سواها؟ ليه يا اخي دي قوانين سابتة في كل مكان؟ ليه قانون الجازية في مصر هو قانون الجازية في امريكا هو - 00:21:04

ليه هي القوانين دي ثابتة كيف تنشأ حياة بما فيها من وعي وعقل وذكاء من المادة غير الحياة نعم! لا صعب صعب عشان التصوير حلو قوي. قلت لها ركيزي معنا - 00:21:25

ماشي ازاي يبقى في حياة معها وعي وعقل وادراك للبني ادم او زي الحيوان عنده شيء من الوعي شيء من الادراك من مادة غير حية ازاي تنشأ من مادة غير حية - 00:21:48

كل ده قاله دكتور بول ديفيس سبحانه الله الاية دي في سورة الرعد انا مررت جاي سفرية اربع ساعات في الطيارة وبدأت اقرأ سورة الرعد الطيارة عملت وانا في السوق ولسه في الاية دي - 00:22:04

بالزبط قعدت تلات ساعات ونص الاية دي انا مش عارف اخرج منها. اية من اروع ومن اخطر ما يمكن وفي الارض قطع متباورات تحت ارض جنب بعضها جنابن كده ها - 00:22:21

وجنات من اعناب وزرع ونخيل صنوان وغير صنوان. يسكنى بماء واحد ونفضل بعضها على بعض في الاكل. ان في ذلك لایات لقوم يعقلون. يعني هي نفس الماية وهي نفس الارض وتطلع لنا اعناب ما قالش - 00:22:37

اعناب اشي ببزر ومن غير بزر واخضر واحمر وحاذق ومش عارف ايه ها وزرع ونخيل بانواعه. كل ده بنفس الماية. كل ده من نفس الارض. ويقولوا لي صدفة ده مش - 00:22:57

مش بس مش بالصدفة ده ما فيش ولا حاجة في الدنيا كلها بالصدفة خلي بالك. ولا مرة بزرة المانحة طلعت عنب ولا مرة بالصدفة ولا مرة شتلة الجوافة طلعت لنا شجرة برتقان. ولا مرة بالصدفة ولا مرة - 00:23:13

الكلام خطير ونفضل بعضها على بعض في الاكل يعني نفس الماية ونفس الارض وتطلع حاجات مختلفة وانا احب حاجة وانت تحب حاجة تانية. انا اكره حاجة فيها وانت بتكره حاجة تاني - 00:23:35

الامر ده عجيب جدا بشوف كم التنوع اللي في الاية ديت كم الالوان اللي في الاية دية من اعجب ما يمكن يا جماعة من اعجب ما يمكن. لذلك انا ادعوكم فعلا قبل قراءة القرآن - 00:23:47

لقراءة كتاب من اروع ما يمكن للشيخ سيد قطب اسمه التصوير الفني في القرآن. يخلی الانسان يستطيع القرأن. يخلی الانسان يتذوق القرآن. التصوير الفني في القرآن آآ الشيخ سيد قطب رحمة الله عليه - 00:23:59

تعالوا نتكلم بقى عن موضوع خطير وانا عارف ان انا هكون صادم لكم النهاردة الدار ونية والايقولوجي الدار ونية والتطور انا اتربيت على ايد الشیخ عبدالستار فتح الله سعید الشیخ عبدالستار فتح الله سعید - 00:24:19

مش هقول كل لكن معزز الاغلبية العظمى من المشايخ مع الخلق المباشر للانسان والادلة كثيرة جدا عندهم في القرآن الكريم. ان الله سبحانه وتعالى خلق ادم من تراب خلاص الشیخ عبدالصبور شاهین وده مش شیخ مشايخ کبار - 00:24:44
وهو من شیوخ الاخوان المسلمين لا هو شيء ولا هو مسلماً آآ من من له عقيدة مختلفة وزهر علينا بكتاب اسمه آآ ابی ادم قصة الخلیفة بين الاسطورة والحقيقة وقال فيه کلام مختلف - 00:25:09

بيتقبل فيه نزرة التطور كادة للخالق في الخلق انسى الضرونية خالص بكلمك على التطور بس ماشي انا الكلام ده ما كانش يعني قلت ايه خلاص يعني زي ما الناس كلها قالت يعني اخطأ الشیخ عبدالصبور الله يرحمه بقى - 00:25:27
لغاية من ثلاث سنين كنت في جامعة اكسورد وكان مؤتمر عن الارهاب ثم اعلن ان اردوغان جاي يقول كلمة دعينا ان احنا حضر الكلمة دي في المسرح الكبير اللي في اكسورد - 00:25:47

فرحت هناك بدري شوية فلقيت انه الطالب الاتراك في جامعة اكسفورد متطلعين مع اتحاد الطلاب المسلمين وبيزوقوا المكان - وبينضفوا المسرح جه وقت صلاة العصر انا كنت جمعت صليت انا العصر قبل كده مع الضهر فما رحتش اصلی. وهم راحوا يصلوا 00:26:06

لقيت ولد تركي واقف ما راحش معهم قلت له ايه يا ابني انت مش آآ ساكن هنا في اقصر؟ ما بنروحش نصلی العصر ليه قال لي لأ اصل انا ما بصليش - 00:26:32

قال لي اصل انا ملحد يعني سبحانه الله انت تركي فرحان ان اردوغان جاي متطلع مع اتحاد الطلاب المسلمين. ليه بتقول على نفسك ملحد انا بدرس بيولوجي انا مؤمن بالتطور - 00:26:42

في زهني على طول الرأي بتاع الدكتور عبدالصبور شاهين لقيت نفسي اوتوماتيك ليه بقول له ايه ؟ والله! طب يا حبيبي رح صل وتعال لقيت ان دي وجهة نظر تستحق النظر فيها بجدية والدراسة لانه اذا هذا كان مقبولا - 00:27:01

اذا كان مقبول شرعاً هيقد مش الاف مئات الالاف من الشباب المسلم اللي اتبرمغ على انه يا الاسلام يا نزرة التطور فبدأت انزرت اكتر شوية بقى في الامر ده الشیخ عبدالصبور كان بيجيبي ادلة بيقول دي الحاجات اللي فتحت له کلامه - 00:27:22
ان الله اصطفى ادم ونوح والابراهيم وال عمران على العالمين. اصطفى ادم من مين بدأ يتفتق في ذهنه ان لأنّ هو كان في من النوع ده وربنا اختار ادم - 00:27:43

لامر اخر تسوية ونفح الروح هنفهم بعدين يعني ايه نفح الروح بدأ يتكلم على ان نفح الروح يعني نفح الروح العاقل الروح اللي جعلته انسان عنده عنده بي Shirley المسؤولة - 00:28:02

وقال لك واذ قال ربكم للملائكة اني جاعل في الارض خليفة قالوا اتجعل فيها من يفسد فيها ويسفك الدماء ونحن نسبح بحمدك ونقدس لك هي الملائكة بتعرف تغيب؟ هيعرفوا ازاي ان البنی ادم هيسفك الدماء - 00:28:20
فالمسررين قالوا لأنّ ما اصل الجن كانوا عايشين على الارض لو هي الجن عندها دماء قال لك طب ليه ما يكونش الملائكة لما شافت النوع ده هي شايفاه قبل كده - 00:28:46

وقالت ده هتخليه الخليفة ده اللي بيسفك الدماء وبيشيع الفساد في الارض هتخليه هو الخليفة بدأ يتفتف عند هذا الكلام جيت بقى بعد كده اطلعت على الدكتور محمد العوضي الحقيقة قال لي على كنز - 00:28:59

هذا الرجل اسمه الدكتور محمد باسل الطائي دكتور في جامعة اليرموك في الاردن وهو اصلاً عراقي وهذا الرجل رجل من اعزم علماء الفيزياء في العالم وله ابحاث خطيرة في الفيزياء. وفي باسمه. يعني له كده ارقام يعني حاجات يعني ابحاث كبيرة مسجلة باسمه - 00:29:17

الراجل جاب کلام خطير بيقول فيه حديث للامام اه قدسي رواه الامام احمد وابن ماجة في السنن بيقول يا ابن ادم انى

تعجزني وقد خلقتك من مثل هذه الصلاة والسلام ننزل بعض ريقه في كفه الشريفة وقال الله سبحانه وتعالى - 00:29:39

قال يقول يا ابن ادم انا تعجزني وقد خلقتك من مثل هذا حتى اذا سويتك فعدلتك مشيت بين برديك وللارض منك وايد يقول

الحافظ ابن كثير في تفسير سورة الانفطار - 00:30:03

عند كلمة الذي خلقك فسواك فعدلك جاب هذا الحديث وقال اي ما غرك بالرب الكريم الذي خلقك فسواك فعدلك. اي جعلك سويا مستقيما معتدل القامة منتصبواها في احسن الهيئات والاشكال - 00:30:22

فجاء كلمة التسوية بمعنى ان الانسان كان ضهره منحني ثم رينا سواه فاعتدل فمشى على رجليه ده مفهوم موجود في التفاسير طيب ثم تفید ایه ؟ خدوا يا جماعة نوت اللي عنده سؤال ياخده وهنكلم فيه واحنا ما بنوقف - 00:30:48

ثم تفید التعاقب على التراخي يعني بمدة هم ثم لسة اللي جاية ثم تفید ای ثم تفید التعاقب لكن مش فورا مش ذي الفاء على التراخي بص كده على ايات سورة السجدة - 00:31:08

هو الدكتور محمد باسل يقول هذا هو الدليل الذي لا يستطيع ان يرده احد الذي احسن كل شيء خلقه وبدأ خلق الانسان من طين. بداية خلق الانسان من طين ثم - 00:31:32

وقت اهو وقت ازمنة ثم جعل نسله من سلالة من ماء مهين. ثم في نسل جي سلالة جاية من ماء مهين يعني من تزاوج الذكور بالاناث تمام؟ اسمع بقى ثم - 00:31:52

سواه ونفح فيه من روحه وجعل لكم السمع والابصار والافئدة قبيل ما تشكرون وبعد مدة بعد اجيال من من السلالات اللي جاية عن طريق التزاوج بين الذكور والاناث. حصل اختيار تسوية ونفح روحي - 00:32:14

قال لك اهو هو ده التسلسل اللي يقدر الناس اللي تؤمن بالخلق المباشر لادم قدام الاية دية عجزوه عن الكلام وانا سالت مشايخي وردوا علي ردود غير مقنعة لف ودوران حوالين كلمة ثم وما فيش اجاية مقنعة - 00:32:34

طيب الدكتور محمد باسل الطائي له مقال خطير طبعا هي المحاضرة دي ما هياش عن التطور وما هياش عن الضرونية لكن انا احيلكم على المقال بتاعه اللي هبعته لكم بالاياميل اللي هبيعت لي آآ اياميل ده يجي له اياميل ان شاء الله. فيه كذا حاجة من ضمنها الفيديوهات كلها بتاعة طحن المنصررين - 00:32:57

اللي قلت لكم عليها امبارح وآآ قصة حي ابن يقزان والمقال بتاع الدكتور محمد اسمه القرآن والتطور العضوي للانسان. انت النهاردة لو كتبتها على الانترنت يطلع لك المقال مقال خطير. حوالي سبع تمن صفحات - 00:33:18

جاي في ادلة كثيرة جدا جدا. ولكن الدكتور موضوعي جدا ويبيقول لك اووعي حد يفتكر ان انا بتكلم على نظرية التطور اللي موجودة دلوقتي. لأ خالص قال لك انا الكونكولوجين بتاعي من كل الادلة القرآنية دي ومن السنة النبوية دية - 00:33:32

ان القرآن لهذا لا يعني بالضرورة تأييد القرآن لنظرية التطور ولكن لمبدأ التطور فمبداً التطور قضية ونزارية التطور قضية اخري فيبيقول لك اذا القرآن يقبل مبدأ لكن مش بالضروري اللي موجودة بالعكس. النزارية الموجودة دية جدا - 00:33:49

طفولية جدا بدائية جدا. بقى لها متين سنة وما حدش عارف يطور فيها حاجة اللي هو السمة بقت مش عارف آآ فرحة والفرحة بقت آآ بقى يقول لك قد يكون في نزارية تانية خالص - 00:34:13

ولكن المبدأ نفسه موجود ومقبول جه الدكتور عمرو شريف اللي بيحصل فيكم معنا من زمان عارف دكتور عمرو شريف احنا يعني اعتمدنا عليه كتير جدا الحقيقة في دورات زي دورة آآ - 00:34:29

آآ آآ الفرق بين مخ الذكر ومخ الانثى. حتى يعني يشرفنا في الدورة بتاعة الزواج واتكلم عن الذكر والانثى ونظرتهم بعض فيما يخص الزواج ادانا دورة كيف تحاور ملحدا الدكتور عمرو الشريفي على فكرة راجل متدين جدا - 00:34:43

وراجل رجع على ايديه الكثير جدا من الملحدين الى الاسلام والراجل يصف نفسه بأنه ايفولوشانيست يعني تطوري يؤمن بالتطور بدأت الحكاية معه بدأت الحكاية معه من حوالي اربع سنين يشرفني في المكتب - 00:34:59

وعرف نفسه على انه كان بعد انا عملت آآ محاضرة اسمها الاسلام والضرورية موجودة على الانترنت انا قلت بس يعني جاي لي بقى

واحد ملحد انا مش فاهم فيبدأ يعرض علي مفهوم جديد. انا كنت سامع عنه - [00:35:24](#)

لكن ما كنتش تبحرت فيه وهو مفهوم الانتاليجن ديزاين جماعات قامت الان في امريكا واوروبا تقول باننا نؤمن بالايغولوشن بالتطور ولكن نكفر بالداروينية نكفر بنزيرية داروين لكن نؤمن بالتطور نزيرية داروين تؤمن بالتطور العشوائي - [00:35:42](#)

اللي هو كل نوع اصبح نوع تاني عشوائي عن طريق طفرات هم يقولوا هذا امر مستحيل وعندهم ادلة من اخطر ما يمكن اخطر ما يمكن ماشي؟ انه يستحيل يكون هذا الامر عشوائي بل هذا التطور هو تطور موجه. زي ما قال الله يرحمه الدكتور مصطفى محمود - [00:36:10](#)

حرف الياء هيحلها. هو ليس تطور بل تطوير هناك من يطور ماشي والدكتور عمرو جه واربع تيام وعمل فيهم دورة فيها ربعمية واحد وشبه اقع الناس تماما بانه التطور هو الصح. وان الخلق المباشر ده خرافه احنا اتربينا عليها - [00:36:30](#)

وان كل الايات اللي بتتكلم عن خلق مباشر هي تحتاج الى تأويل حتى تفهم هكذا يعني وجه قال لك هذا بقى دليل لا يمكن دحضه وهو الكروموسوم البشري قال لك القرد عنده اربعة وعشرين كروموسوم - [00:37:02](#)

البني ادم عنده ثلاثة وعشرين كروموسوم من نفس النوع اللي عند القرد ولكن واحد منهم فيما يسمى التيلومير زي لحام فده الدليل بقى على ان البني ادم قبل كده الكروموسوم ب ساعته كانت هي الاربعة وعشرين كروموسوم بتوع القرد. واثنين منهم اتلحموا في بعض فيبدأ الكروموسوم بتاع البني ادم - [00:37:17](#)

والدكتور احمد مستجير في الكتاب بتاع الدكتور عمرو شريف آآ بيقول ان الدليل الذي يقدمه الكروموسوم البشري الثاني على الاصل المشترك دليل دامغ لا يمكن رده اطلاق بقى هو ده الضربة القاصمة اللي ايه كسب بها الجماعة التطوريين - [00:37:40](#)

عند دكتور عمرو راح قايل كلمة والانسان هو النوع الوحيد اللي عند تيلومير اللي عند اللحام ده سانية واحدة بقى ده معناه ان البني ادم مقحم على التطور. ده انت كده اقعنعني بنزيرية التطور في كل حاجة ما عدا البني ادم يا فندم - [00:38:05](#)

ما هو لو البني ادم الوحيد اللي عند تيلومير بقى كمان كان لازم الزواحف يكون عندها تيلومير عشان تيجي من الطيور والطيور يكون عندها تيلو مير قبل ما تيجي من - [00:38:28](#)

قبلها وكل حاجة عندها تيلومير ولحام عشان بالشكل ده عشان تقول لي ان البني ادم الوحيد اللي جاي عند تيلومير يا فندم بقى انت بتقول لي كده انه مقحم اصلا - [00:38:38](#)

على التطور. ده انا كده نشأ لي نزيرية تالتة فهمتواها التالتة اهي ان في تطور بس البني ادم خلق مباشر واتحط وهل هناك عقلًا ما يمنع يا راجل تطوري انتم دلو قتي التطوريين - [00:38:48](#)

اللي بتؤمنوا بالتطور هل عندكم مسلمين ومؤمنين؟ يا جماعة يا بتوع يا مسيحيين يا يهود يا اللي بتؤمنوا بالانتاجين ديزاين. عندكم ما يمنع ان الخالق يخلق الانسان خلق مباشر ويضعه على الارض - [00:39:03](#)

وبقى الكل جاي بالتطور. واسف يعني هو ده اصلا انت بتقولوه لي دلو قتي تاني تاني طيب انا عايز اعرف مين فاهم اللي انا قلتة حمزة دي حاجة مشجعة الحمد لله. تقريبا الرابع يعني. الرابع الرابع حاجة كويسته جدا - [00:39:20](#)

عندنا مدرستين يا جماعة مدرسة مدرسة هارون يحيى ماشي؟ مدرسة مشايخنا مش هقول معظمهم تقريبا كلهم ما عدا قلة قليلة جدا يعني. ما فيش حاجة بسيطة او اي مدرسة اخرى مدرسة التطوريين - [00:39:43](#)

دول مدرستين مؤمنين بالله مؤمنين بالخالق ولكن المؤمنين بالخالق المباشر يقولوا ان الله سبحانه وتعالى خلق كل نوع خلق مباشر وخلق الانسان خلق مباشر ونؤمن بالتطور داخل النوع الواحد خلي بالك - [00:40:02](#)

يعني حتى المشايخ بتوع الشيخ عبدالستار يؤمن بالتطور داخل النوع الواحد. وفي ادلة حتى في القرآن والسنة على كده. ان الله خلق ادم ستون ذراعا في السماء وهناك تطور بيحدث لعقل الانسان ولجسم الانسان وفي كل حاجة. في تطور داخل النوع الواحد. دول اللي بيعتمدوا على الخلق المباشر. يؤمنوا بالخلق المباشر - [00:40:23](#)

هناك مدرسة اخرى تؤمن بالتطور ان هو بدأ العملية بخلية والخلية وقالوا هي دي الخلق اللي من طين. ماشي؟ ثم بدأت بعد كده

يحصل منها طفرات. ويحصل بعد كده مسلا الانواع وكل نوع - [00:40:43](#)
يحصل فيه طفرة فيؤدي الى نوع اخر يعني مسلا الطائر حصل طفرة والجناحين بتوعه دول اصبعوا ايدين قدامانية ظهر لنا حاجة اخر اسمها الزواحف عن طريق هي قصة هي قضية طويلة جدا بيخش فيها ما يسمى بالانتخاب الطبيعي. المحاضرة دي مش دي المقصودة عموما يعني. انا هنا بتكلم عن فلسفة الامر نفسه - [00:41:02](#)

وهناك من يؤمن بان التطوير هو اللي جاب البني ادم في الاخر وان اللي قبلينا احنا عندنا اصل مشترك مع القرد قبلينا قرد لكن عندنا اصل مشترك مع القرد ماشي - [00:41:30](#)

وقال لك ادلتهم اهي وبدأوا يستدلوا من القرآن الكريم على ان ما فيش مشكلة في ذلك ماشي؟ وقال لك كل الايات اللي بتتكلم عن التسوية ونفح الروح هي اللي جاي في سياقها ادم - [00:41:43](#)

وقالوا ان نفح الروح معناها مش الروح عشان يبقى حي. ولكن نفح الروح العاقل فاصبح على رأي الدكتور عبدالصبور شاهين ادم هو ابو البشر العاقل. قبل كده كان موجود انسان زي الحيوان - [00:41:57](#)

ما عندوش مسؤولية زي الحيوانات. بيسفكوا الدماء ويأكلوا بعض وحاجات زي كده تمام جه الدكتور عمرو الشريفي وهو من هذه المدرسة التطورية وشرح لنا التلومير وشرح لنا الكروموسوم تمام؟ فقال الثاني - [00:42:12](#)

ان الكروموسوم بتاع القرد شبيه جدا بالكروموسوم الانسان بتاع القرد عنده اربعة وعشرين كروموسوم. اربعة وعشرين عصاية زي دول كده. ماشي ماشي البني ادم عنده ثلاثة وعشرين بس واحدة منهم في الحان - [00:42:29](#)

اذا أصبح ان هو ده اتنين من الكروموسوم بتوع القرد اتلحموا وعمل لنا الكروموسوم بتاع البني ادم ويرروا ان هذا دليل دامغ على الاصل المشترك بين الانسان والقطط وسبحان الله - [00:42:49](#)

البني ادم هو الوحيد اللي عنده اللحام ده كلمة الوحيد دي معناها انه خارج سياق سلسلة التطوير ما هو لو هو ده الاصل يبقى انا هلاقي عند الزواحف تيلومير برضه او لحام بتاع الكروموسوم بتاعة الطيور. وهكذا - [00:43:04](#)

او نوع جديد ايا من ايا كان فسألته سؤال وهذا السؤال اسئلته لكل التطوريين. المسلمين المؤمنين بعد ما خلاص امنت بانه طبقا لهذه الادلة اللي جابوها من القرآن والسنة يجوز ان المسلم يكون يؤمن بالتطورو - [00:43:27](#)

طالما انه يؤمن بوجود الخالق وان التطوير هو اداة الخالق في الخلق. خلاص انا كده استريحت خلاص استريحت من ناحية الناس دي ولكن هل هناك ما يمنع ان ربنا سبحانه وتعالى يكون خلق الدنيا دي كلها بالمخلوقات اللي فيها بالتطور - [00:43:46](#)

عن طريق والانسان عن طريق الخلق المباشر هل هناك ما يمنع عقا النزريتين مع بعض زي ما ما عندهمش اجابة على ايات سورة السجدة. التطوريين ما عندهمش اجابة على ذلك - [00:44:01](#)

ما فيش ما يمنع برضه كمان كمان آآ باسم الله الرحمن الرحيم رفعه ايدك دي نزلتني عشان تبقى عارفة يبقى مسألة ايه؟ ان هناك امكانية لذلك ايضا. طب خلينا نفكروا دلوقتي. ماشي. يبقى انا عايز اقول حاجة يا جماعة - [00:44:21](#)

انا لما اكون بتكلم مع ملحد ويقول لي اصل انا مؤمن بالتطور اقول له ايه يعني تعال يا سيدى شف ده دراويش ومشايخ وخاصة علماء وكل حاجة. مؤمنين بالتطور زيك. الله يعني ايه ممكن ابقى فلوسي ان السوق مسلم؟ اه ينفع. تعال نشوف وقدم له هزا - [00:44:44](#)

اللي بدأ معى القصة دي برضو الحقيقة مش بس الولابتاباع اكسفورد. انا دعيت في مؤتمر اه كانت عاملاته اه الجزيرة. قناة الجزيرة عندهم مركز من مركز ابحاس الجزيرة وكان اسمه الدين والعلم - [00:45:02](#)

فانا رايح بقى عشان الكلام كله عن التطوير بقى ضد التطوير وبتاباع. ففوجئت ان الكلام كله مع التطوير قدمي واحد واحد جاية نوبل في الكيمياء واحد واحد جاية نوبل في الفيزياء - [00:45:14](#)

وبيتكلموا مع التطوير اه غير مسلمين هو واحد يهودي والثاني مسيحي. فانا استغربت جدا فنزلت قلت لهم يا جماعة ده قال ما احد يعني ائمة الداروينية وتطور انه التطوير لا يمكن اثباته قال الكلام ده كان من مية وخمسين سنة - [00:45:25](#)

عندك ابهاس كتيرة حصلت دلوقتي. التطور شبهة شبهة ثابت كانت صدمة بالنسبة لي انت لسة عاملة الايه المحاضرة بتاعة الاسلام والداروينية كانت صدمة بالنسبة لي اذا انا دلوقتي استريحت من ناحية - [00:45:43](#)

ان انا لا اضع الدين في مواجهة العلم التطوري نظرية علمية. زي ما قال الشيخ الفراضاوي في برنامج الشريعة والحياة قبل الثورة المصرية بحوالي تلات شهور قال اذا ثبتت نظرية التطوري فلن تتعارض مع اية واحدة في القرآن - [00:46:00](#)

ستتعارض مع تفاسير نعم بشرية. لكن لم تتعارض مع اي واحد في القرآن. يبقى ما تحطش ابدا الدين قصاد العلم امال احنا لنقبل ايه؟ لا نقبل الداروينية. طب ما هو علم لا الداروينية مش علم. الداروينية ليست نظرية علمية. الداروينية ايديولوجية - [00:46:23](#) ايدلوجية لا تقبل وجود الله. اذا انا لا اقبل بالضرورة ماشي الضرونية هي التطوري العشوائي عن طريق الطفرات هذا كلام آآ غير غير وارد اطلاقا عايز اقول لكم حاجة عملوا برهان اسمه برهان القردة ده - [00:46:43](#)

جابوا ستة اه قردة وحطوهם في اوضة ده مركز ابهاس كبير وحطوا لهم كيبورد ولمدة شهر القرود هم علموهم ازاي يضربوا. على الكيبورد شهر كامل طلعوا حوالي سبع ميتيين وسبعين الف - [00:47:03](#)

كلمة ولا كلمة صحيحة ولا حتى كلمة ايه مش حرف ايه كلمة بس لازم يسبقها سبيس ويبقى بعدها سبيس لازم مسافة ايه مسافة ولا حتى ايه القرود عرفت تعملها - [00:47:24](#)

قال لك طيب تعالى نجيب السوناتا بتاعة شكسبيرو وتعالوا نشوف ايه امكانية انها لو حولنا كل كل الجزيئات اللي موجودة في الدنيا الى رقائق كمبيوتر. كل رقيقة منها تضرب بسرعة مليون مرة في السانية. ايه امكانية ان يعملوا لنا السوناتا بتاعة شكسبيرو - [00:47:44](#)

واحد الى عشرة اس ستمية وتسعين في حاجة اسمها على اقصى امكانية في الدنيا اقصى آآ احتمالية في الدنيا هي واحد الى عشرة اس مية وخمسين يعني واحد وجنبها مية وخمسين صفر - [00:48:19](#)

لأ احنا محتاجين واحد وجنبه ستمية وتسعين صفر. يعني يا اما نجيب اكون قد الكون بتاعنا. سبع مرات تانين ويقعدوا طول المدة دي من وقت خلق الكون عشان يحصل بس ان قصيدة - [00:48:40](#)

تكسيبر تيجي بالصدفة يا اما نستنى سبع اضعاف المدة من خلق الكون لغاية دلوقتي. سبع اضعاف عشان تيجي ولو مرة واحدة بالصدفة هتقول لي الكون ده كله يجي بالصدفة ده ولا حاجة بالصدفة - [00:48:56](#)

الحاجة الثانية انا عايز اقول حاجة مهمة جدا وهي مسألة ما نحطش العلم ضد الدين ستيفن هوكنج ده عشان تبقوا عارفين ده راجل هو اللي قاعد النهاردة على المقعد بتاع ايزك نيوتن في جامعة كيمبرج. ده رئيس قسم الفيزياء في كيمبريدج - [00:49:14](#)

طول عمر المؤمنين فرحانين بستيفن هوكنج ان هو يؤمن بوجود الله والجماعة الملحدين فرحانين بهانتوني فلو انتوني فلو ادي الملحدين مقلب في الفين واربعة وقال انا مؤمن بوجود الله وراح ستيفن هوكنج من من سنتين مدي المؤمنين مقلب - [00:49:34](#) وراح كاتب كتاب اسمه فيجران ديزاين. حقيقة الامر ان هو مش كاتب الكتاب الوحيد. معه كاتب صغير ملحد اسمه ليونارد آآ مولدينو وكتب في الكتاب حاجة قلب الدنيا. لدرجة ان لاري كينج عمل معها حديث في السي ان ان. فيكم حد شاف الحديث بتاع الاري كينج مع مع سيمون هوكتنج اوكي - [00:49:55](#)

قال كلمة خطيرة ده عبقرى وهو ما فيش ولا حاجة في جسمه شغالة يعني شلل رباعي لسانه مشلول ما بيتكلمش. ما فيش فيه حاجة شغالة غير. عقله وعيشه بيبيص في شاشة قدامه الشاشة اللي انت شايفينها دية - [00:50:18](#)

فالكمبيوتر بيضرب على كيبورد في الشاشة بعينيه فالكمبيوتر بيترجم ده او بيطلع ده بصوت معدني نسمعه. حتى ده مش صوته هو الرجال قال كلمة خطيرة ممكن يكون الله موجود كان - [00:50:35](#)

ولكن العلم يستطيع تفسير الكون دون الحاجة الى الخالق التفسير انا افسر مش محتاج الخالق عشان يفسر لي الدنيا اتقليت راجل الحد لا يا جماعة استنوا الرجال دوت كأنه بيقرأ اية في القرآن - [00:50:57](#)

في اية في القرآن ده اللي بيقوله ده آآ معنى اية في القرآن. ربنا بيقول قل سيروا في الارض فانظروا كيف بدأ الخلق ما قلش قل

اجلسوا في حلق الذكر فانظروا كيف بدأ الخلق. ما قالش اجلسوا في حلقات القرآن فانظروا كيف بدأ الخلق. قال قل سيروا في الارض

- 00:51:20

فانظروا كيف بدأ الخلق. ابحثوا الموضوع عايز عشان اكتشف ازاي بدأ الخلق ربنا اللي بيقول لي كده. الراجل عليه غلط اصلا خلي بالك انا مش لازم اتسرع باني احظر الدين في مقابل العلم - 00:51:39

خلي بالك لكن بعد ما اخلص راح لاري كينج سأله سؤال قال له طمنا بقى على صحتك. انت عندك تمانية وستين سنة دلوقتني. وانت طبعا لك شعبية كبيرة وناس بتحبك وتموت فيك. قل لنا بقى انت صحتك عاملة ايه - 00:51:57

قال له طمن المشاهدين ان انا من اربعين سنة الاطباء قالوا لي ان انا هعيش لمدة سنتين بس هدي كل اللي قاله يعني انت العلماء قالوا لك من اربعين سنة انك هتعيش سنتين بالكتير عشت اربعين - 00:52:13

يبقى ربنا بيقول لي ابحث بس او عى تفتكر نفسك هتوصل للحقيقة الكاملة قل لو كان البحر مدادا لكلمات ربى لنجد البحر قبل ان تنفذ كلمات ربى ولو جتنا بمثله مدادا - 00:52:32

يبقى اذكى انسان هو اللي يحاول يفهم كل شيء. واغبى انسان هو اللي فاكر نفسه هيفهم كل شيء عندك على عقلك يا استاذ. انتبني ادم. وما اوتitem من العلم الا قليلا. ولكن مطلوب منك تبحث وتعلم - 00:52:50

وهو ده جمال الدنيا. انك عمرك ما هتوصل في الآخر في كل شيء دايما في شيء تجهله. وهو ده اللذة اللي موجودة. عشان كده الجهل ممكن يبقى نعمة ليه الجهل نعمة؟ انك وانت بتتعلم بتتحسن بلذة ازالة الجهل - 00:53:10

ليه الاكل ممكن يبقى لذة؟ انك بتزيل الجوع. كل ما كنت جعان قوي كل ما كان الاكل حلو او اي احيانا اقول لمراتي ايه واحنا بناكل في مطعم هو الاكل زي المرة اللي فاتت ولا احنا المفروض كنا جعانيين - 00:53:30

بس المرة اللي فاتت ما كنا جعانيين كان الاكل فظيع. ياه المطعم ده خطير. هنيجي كل مرة. بس نروح مرة تانية واحنا مش جعانيين. ايه ده اكله عادي قوي هو مستواهم نزل مش مهم نزل. انت كنت جعان فحسبيت باللذة بتاعة الطعام. نفس الكلام وانت جاهل بتتحسن بلذة العلم - 00:53:45

دي بقى حاجة خطيرة جدا بيقول لك ايه انت عمال تجيب لي استاذ فيزياء استاذ مش عارف ايه. يا حبيبي معزم الاساتزة والعلماء مش حقيقي اهو فيلم خطير اسمه اكسبلد - 00:54:02

بتاع بنشتاين بيثبت ان مش معظم العلماء داروينيين هو معظم اللي مسموح لهم يدرسوا في الاكاديمية داروين ده فيه يعني تنزيم سري على مستوى العالم عاملينه الداروينيين ازاحة المؤمنين بالمصمم الذكي - 00:54:20

بالمدبر بالخالق ازاحتهم من كل كراسى التدريس الفيلم ده خطير واللي يكتب بس اسمه كده اكسبلد او بين ستاين هيطلع له على اليوتيوب اجزاء كثيرة جدا منه. وانا انصحكم تشترواوه من امازون دوت كوم دي يا جماعة من الحاجات اللي تقتنى - 00:54:53

بامانة يعني. احيانا كده اقول لكم على بعض على كتاب ولا حاجة. والله الحاجات دي فعلا كنز. ده تتفرجوا عليه وتعرفوا اللي اتعلما في المؤمنين بالتطور ولكن يؤمنوا بأنه تطور موجه وان هناك مصمم ذكي - 00:55:09

يؤمنوا بان هناك خالق اتعمل فيهما ايه وازاي ازيحوا من كل كراسى التدريس وتحولوا الى وزائف ادارية. زي ايام حسني مبارك كده المدرسة المحجبة وزيفة ادارية المدرس الملتحي وزيفة ادارية - 00:55:26

هم برة عندهم في امريكا وفي اوروبا كده. مؤمن ان فيه خرق وزيفة ادارية على طول عشان تبقو فاهمين كتاب انتوني فلو اللي هو فريزا جاد ده ممكن تجيبيوه من على امازون دوت كوم بعشرة دولار رائع جدا جدا ويستحق بصرامة اي حد كمان مسافر امريكا ولا حاجة - 00:55:40

صدقة جارية يا شيخ. صدقة جارية يا شيخة تشتروا منه صندوق وتبقوا توزعوه هنا بيجيوا لنا بيجيوا لنا ناس كتير جدا محتاجة اديهم ده ومش عارف اجيده لهم ازاي. ماشي - 00:56:00

ده ريزا جات ما فيش اسئلة مكتوب في مكتبة الديوان موجود؟ طب احنا رحنا نشتريه لقيناه موجود دلوقتني يعني ها الحمد لله.

جزاكم الله خير الديوان جابته بعد ما انا فضلت انصح الناس بها عشان تبقوا عارفين يعني. ناس تروح وانا رحت اشتري منهم قال لك مش موجود دلوقتي طب هاتوا لنا منه. فالحمد لله انه موجود. كوييس - [00:56:12](#)
اللي عايزة بالعربي كتاب رحلة عقل للدكتور عمرو شريف النص الاولاني هو ترجمة بتابع انتري فلو والنص الثاني اسمه فلنستكلم الرحلة وبيكمل الانتوني فلو ما اسلمش بالعكس هو رفض الاسلام ان هو ما قدم له عن الاسلام هو الجنة والنار. فقال لك لأ انا مش عايزة الى زي صدام حسين - [00:56:32](#)

باللفظ قال كده مش عايزة الله صدام حسين كوني. ماشي؟ لم يقدم له الاسلام جيدا. ولكن دكتور عمرو الشريفي بيكمel الرحلة بتاعة رحلة العقل دية وبيكمel الى الدين الحق. فرحلة عقل اظن موجود في مكتبة دار الشروق. واظن الاخوة الموجودين برة دول ممكن بيجييه لكم لو طلبتوا لهم منه يعني. الحاجات دي - [00:56:57](#)

تقتنى ومهمة جدا والله اه يبقى ازا لما حد يقول لي ده معزum العلماء داروينيين اقول له انا اسف جدا اتفرج على فيلم وانت تعرف ان معزum العلماء ممنوعين اصلا من التدريس - [00:57:17](#)

وكانه تنزيم سري لازحة هؤلاء عن كراسى التدريس هيجي لكم بالايميل ان شاء الله مطلوب انكم تبعتوا اي ميل السابجيكت فيه ارسل لي الماتريال اي حاجة في مش هنقدر نفتح الايميلات - [00:57:32](#)

ماشي هيتفور لك على طول على الايميل بتاعك. اي ميل فيه قصة حي ابن يقطان. لابن الطفيل وه يكون فيه المقالة بتاعت الدكتور محمد باسل الطائي اللي هي القرآن والتطور آآ العضوي في الانسان - [00:57:51](#)

وهيكون فيه البرزنطيشن اللي عملناه اميارح واول. وان شاء الله نحط لكم ده برضه كمان ان شاء الله. بس هو كده لغاية دلوقتي هو تسعه ميجا. فاللي عنده هوت ميل ممكن يضرب يعني يرتد - [00:58:09](#)
الايميلات الايميلات بترتد ونطبق عليها حد الردان - [00:58:18](#)